

WE PLOUGH THE FIELDS, AND SCATTER

Yth eryn ni an gwelyow
ynna ow skullya haz,
saw megyz yw ha dowrhyz
dre nerth leuv Duw an Taz:
ergh yeyn yn gwav y tannvon
ha tumnder hav dhe'n greun,
awelow teg ha howlsplann
ha glaw klor avel hun.

*Dhyn yma dannvenyz
a Nev puptra yw maz;
grassyn dhe Dhuw,
grassyn dhe Dhuw,
oll a'y gerenza vaz.*

Formyer pub oll y'n byz ma,
ogas ha pell, ev yw;
golow a re dhe'n sterenn,
Dhe'n vleujenn deg, hy liw,
mor, gwyns, dhodho yw gostyth
an ydhyn ev a veth;
dhe voy meur dhyn, y fleghez
bara a re pub dydh.

Dhizo, A Daz, y hwrassyn
a beub yw teg ha da,
pryz goniz haz, pryz myzi,
boez, yeghez, maga ta.
y'th pyzyn a gemmeres
agan offryn uvel,
ha'n pyth hwath moy a vaz dhiz,
agan kolonnow lel.

- German words by Matthias Claudius, 1782.
- Translated from German into English by Jane Campbell, 1861.
- Translated from English into Cornish in *Lyver Hymnys ha Salmow*, no. 79.
- Here the Cornish has been re-spelled without any other change.
- Tune: Wir pflügen.